

Rapport annual 2013 GIUVENTETGNA CADI

Il schaner 2013 havein nus astgau reparer novs t-shirts da reclama als menaders ed alla cumissiun dalla lavur da GIUVENTETGNA CADI. Il logo tgietschen/oransch sin ner croda en egl e duei far attents sin nies post. Frestg e plein motivaziun havein nus priu a mauns las activitads igl onn 2013.



In grond pensum ei segir stau da menar cuntractivas cun la vischnaunca da Trun pertuccont il giavisch per in local da sentupada per ils giuvenils da Trun. Senza gronda burocracia essan nus vegni da realisar quei local ella Casa Depuoz a Trun. Ina grupp da lavur dils scolars ei vegnida formada ed il local ha saviu vegnir endrizzaus tenor il gust dils giuvenils.

Il matg havein nus envidau la publicitad ad ina sera da portas aviartas. Dapi l'entschatta digl onn da scola 2013/14 ei il local aviartas mintgamai il venderdis sera per las sentupadas dils scolars dil scalem superiur.



GIUVENTETGNA CADI sustegn e promova musicists ed artists giuvens da nossa regiun. Il mars havein nus organisau in concert cul giuven rapper Ivo Orlik el local a



Surrein. Giganto – quei ei siu num d'art - ei staus fetg activs il davos onn ed ha saviu presentar il december 2013 siu emprend disc cumpact. Il batten dil disc ha giu liug a Cuera. Il giuven ch'ei carschiu si a Rabiun viva el mument leu. Siu rap romontsch critic, „frech“ e mintgaton era romantic plai.



Nus organisem adina puspei ils cuors da mischedar drinks senz'alcohol cun la „Fruchtbar Surselva“ da Glion. Quei ei prevenziun e duei animar da consumar era suenter ils onns da scola bubrondas senz'alcohol. Varga vegn scolaras e scolars dalla Cadi ein separticipai igl avrel a quei cuors a Mustér.

Cuors da sedefender vol. 3: Sesentas mintgaton mal e sas buca co ragar? Cun quella damonda havein nus vuliu plidentar giuvenils dalla Cadi per saver dar ad els buns utensils teoretics ed exerchezis pratics. Il meinacuors Martin Bundi ha schau scuvierer ils 4 da matg a Mustér ils participonts l'atgna forza. Igl imprendar da dar adatg sin sesez e da sedefender cun plaids, peis e mauns ei era vegniu tematisau a caschun da quei cuors.



Il 15 ed ils 16 da matg havein nus, sin damonda dad in gimnasi da Turitg, astgau presentar il post da lavur da giuventetgna Cadi a 16 gimnasiasts. Ina viseta en nies local da sentupada a Mustér cumbinaus cun in brat, in solver e damondas specificas dils Turitgès a nos giuvenils ha concludiu quei project. Nus havein possibilitau als gimnasiasts da sebratar cun nos giuvenils durant in avonmiezdi da scola. Quei ei mo stau pusseivel muort la collaboraziun cun la scola superiura da Mustér.

Nies highlight 2013 ei la sentupada durant ina fin d'jamna sil campadi Rein a Rueras staus. Cun treis meinacuors versai essan nus semess sonda e dumengia, ils 7 ed 8 da



settember, alla realisaziun dils workshops creativs. La finamira ei stada da saver sprizzar in graffiti supplementar sin in mir dil sutpassadi a Dieni (areal da skis). Il star ensemen la sera e la notg ha dau spazi per saver far musica, dar giugs, star da cumpignia ed haver temps per sefatschentar cun temas da prevenziun e discussiunar. Ina detga dracca ha spuentau nus la sera bia memia baul giu dil bi plaz da grillar. La dumengia ha ei deplorablamein era pluviu stediamein. Empau sferdentai e cun tendas bletschas, denton cuntents dil bi graffiti, ein ils 21 juvenils turnai la dumengia a casa.



Il 21 da settember ha il batten dalla Lounge da Rubi giu liug. Il num ei vegnius elegius ord propostas che scolaras e scolaras dil scalem ault dalla vischnaunca da Breil han inoltrau a caschun dad ina concorrenza. GIUVNETETGNA CADI ha mess a disposiziun ils premis e segidau tier l'organisaziun dalla fiasta.



Il forum cultural internaziunal Mustér ha plidentau nus per dumandar sche nus segidassien cun els duornt lur activitads per igl onn 2013/14. Lur tema ei: Inscunter african. Ils cuntengns sefatschentan cun: Mythos Afrika, referats e presentaziun da glied ch'ei involvada en projects da sustegn per l'Africa, discussiuns al podi, musica



africana ed exposiziuns da fotografias. Ils 5 da november han 5 giuvenils surpriu da preparar e survir igl aperitiv a Trun. Ei fa grond plascher che giuvenils ein prompts da segidar cun luvrar voluntari.

Ils 9 da november ha la pedagoga da sault Rita Elvedi scolau 8 giuvnas cun differents exerchezis per promover la segirtad da sesez. Il “suentermiezdi per giuvnas” ha giu liug a Breil.

**SUENTERMIEZDI
PER GIUVNAS**

per **GIUVNAS dalla Cadi**
(scalam superior di ord social)

Cu **Sonda, ils 9 da november 2013**
dallas 14.00 – 17.00 alla casa Amrita, Place 18 a Breil

Finamiras

- activar il sentiment pgi agan igriep
- unifar el equiliber, la responsablad
- rinforzar la legirtad en sesez
- seschar inspirar da musica e ritmus

Cuerts **Il daner da cuors surpren GIUVNETTGNA CADI**

Meinacuors **Rita Elvedi, pedagoga da sault dipl.**

Adatz **il diambat ei limitau. Riguardau vegn tenor successuon dall'annunzia.**

S'annunzia ses entochen li 4 da november 2013!

Telefono: 045 706 11 29
www.045.706.11.29.ch
mail: info@juventtgna.ch

Nos 4 locals da sentupada vegnan visitai stediamein. Els ein aviarts mintgamai il venderdis sera. Quels locals sesanflan a Sedrun, Mustér, Surrein e dapi igl uost era a Trun. Haver in liug nua ch'in triep dalla medema vegliadetga astga s'entupar senza stuer sedepurtar memia stretg suenter etichettas da carschi ei necessari. Spazi e vegnir pri ver ei quei che nus tuts, mo cunzun giuvenils, drovan per saver sesviliuppar e sesentir bein.



Las mesjamnas suentermiezd - duront il temps da scola- ei il biro aviarts sapientivamein per cussegliazions spontanas da giuvenils che van a scola. Biebein in tozzel giuvenils fan diever regularmein da quella purschida. Igl ei in basegns dils giuvenils da saver dumandar cussegl e tschintschar cun ina persuna ch'ei buc colligiada cun la famiglia ni la scola.



Nos giuvens menaders han fatg mintgamai la sonda dils 31 d'uost e dils 19 d'october in cuors da menader. Quel ha dunna Yvonne Bissig dad Infoklick menau. Quei cuors ei necessaris pils giuvenils per survegnir ina buna basa sco sorprendar lur incumbensa da survegnir las scolaras ed ils scolaras.



Cuntegns dil cuors ein stai:

1. Reglas e concepts dalla lavur da giuventetgna sco fundament e preparaziun.
2. Funcziun da menader, coaching e lavur en gruppa.
3. Co ir entuorn cun crisas e conflicts els loghens da sentupada da giuvenils.
4. Metodas per giuvenils e sustegns ord il management da project.

Cun quella basa quintein nus ch'ils giuvens e las giuvnas che sorprendan la survegnenza els locals sappien adempli lur pensum seriusamein e cumpetent.

Nus havein mess fil en guila cun place4space e segidau. Aschia han las scolaras ed ils scolars dil scalem superiur dil consorzi da scola Sumvitg-Trun e dalla vischnaunca da Breil saviu far part dus dis e miez dad in project. Ils scolars han saviu s'inscriver per ils suandonts luvratoris: fotografia, tecnica solara, sault, magliar e beiber. La sera dils 2



d'october han ils scolars presentau a geniturs ed interessai en sala da scola a Danis quei ch'els han empriu ed evenimentau duront quels dus dis e miez. La Quotidiana ha scret in artechel sur da quei project.



Nossa secretaria Inge Venzin ha abdicau sia piazza il november demai ch'il pensum tier si'ulteriura piazza da lavur ei vegnius augmentaus. Cordial engraziament per sia fidada, creativa e buna lavur.

Senza bia mauns e tgaus che segidassen e cunzun senza sustegn finzial savessan nus buc porscher lavur da juventetgna aviarta ella Cadi. In sincer e cordial engraziel fetg a tuts che sustegnan nus.

Per GIUVNETETGNA CADI: Gabriela Cabalzar-Lombriser